

nisse, licet videatur Gelasius negare, affirmant tamen plurimi Veteres, gravissimique Viri, quos Baronius ad annum Christi LXL. colligit. Metaphrastes apud Euriū ad diem 25. Junii tanquam ab Eusebio secundo libro Historiæ Ecclesiasticæ relata, addit, quæ sequuntur; Xantippem Probi Neroni noti, & in Hispaniis degentis uxorem, viso in fronte Pauli scripto Paulus Christi Preco, ad fidem conversam, ac deinde similiter Probum ipsum cum Philotheo Præfeto, ac omnibus, qui illam habitabant Regionem in Christum credidisse. Notat autem Surius non modò quod Probi nomen aliàs Procus scribatur, sed, quod observaverat Baronius, cum nusquam Eusebius hæc scripsisse inveniat, cetera quoque in suspicionem adduci posse. His omnibus Auctor Chronici Pseudo-dextrini alia superstruxit; parergis Probi nomen ornavit Lucium Sabinum Probum vocans, & Ravennatem Pontificem faciens. Tamajus de Salazar ad diem 10. Novembris ex Dextro suam in Hispano Martyrologio fabulam texuit his verbis; Laminii apud Lybissam in Hispania S. Probi, qui adhuc secularis Gubernationis ministerium in agro Laminiano feliciter exercuit, ubi Xantippem sanctissimam foeminam uxorem duxit, cum qua à S. Paulo Gentium Apostolo ibidem fidem Catholicam suscepit, postea Italiam reversus Ravennatum Episcopus factus, ibi miraculis, & doctrinis clarus in Cælum, Confessor clarus migravit. Reliqua exhibet ad diem 23. Septembris, lapidum sanè epigramma adiciens tanquam compositum ab Eugenio Xantippis fratre, in quo exposita de Probo narrantur. Fabrus hæc omnia sciens volens in suum opus transfudit, illud palmare sanè, & omnino diestis repugnans adiciens; Probum videlicet, post triginta trium annorum sedem, obiisse anno vulgaris æræ centesimo septuagesimo quinto, Sotere Summo Pontifice, & M. Aurelio Antonino regnante. Porro quomodo hæc fieri potuerunt, quin Probus centum triginta, & amplius annis vixerit? Etenim qui Baronii chronologiam sequitur non potuit conversionem Probi ultra annum LXVII. differre, cum Paulus statuatur anno sequenti Romam reversus. Fuerit sanè tunc Probus Neroni notus uxore Xantippe dudum ducta, & Laminiani agri Gubernator annorum saltem triginta, conficietur, quod annorum CV. anno Christi CXLII. Episcopus sit creatus, & annorum CXXXVIII. decesserit, qui mortuus dicitur anno Christi CLXXV. Quis etiam credet? Nec minori incommodo urgeretur, si fideret Chronologiæ Pseudo-dextrini, Tamaj, Bivarrii, cæterorumque earum rerum assertorum, quandoquis-

A dem anticipato adventu Probi Ravennam, & tempore ejus Pontificatus, & mortis, vel aliquis ex præcedentibus Episcopis è Dypticis abradendus esset, vel implendo spatio temporis subsucato alii essent subrogandi. Veram narrato fabularum hujusmodi progressu, visoque quibus subtractionibus planè scilicet, ut eas per allusionem ad Auctoris nomen vocat laudatus Nicolas Antonius, fabulæ ipsæ ruunt.

B II. Rubeus sepultum dicit Probum in eo Templo, quod ab se conditum in Claflensi Oppido fuerat. . . . à mari haud procul. Agnellus autem indicat sepultum ubi postmodum edificata illius Ecclesia fuit, nec enim ipse sibi Ecclesiam edificaverit. Edificata autem fuit in Classe, quam Urbis partem intelligit nomine partium Orientis, juxta Ardicam, Porticum videlicet Ecclesiæ Beatæ Euphemiæ ad mare, quam scribentis tempore demolitam ipse testatur.

C III. Addit Rubeus, quod Probus eorum Antistitum, Aderiti videlicet, & Caloceri, cadavera cum honestè collocasset, instituit, ut ibi affiduè fieret Res divina. Agnellus nil de Antistitum laudatorum cadaveribus ibidem collocatis, at de Sacris Mysteriis illud ait, & in nullis Ecclesiis infra (intellige intra) Civitatem Ravennæ, Claflisive Missa super Populum celebratur, nisi in ista sola. Missam autem intelligit solemnem, cui Populus omnis aderat, & Archiepiscopus cum omni Clero Sacra agens diebus maxime celebrioribus in ea Populo bene precabatur. Id in Ursiana Ecclesia peractum ostendit infra Agnellus in Vita Theodori, à quo cum secessionem fecisset omnis Clerus, & perrexisset ad Ecclesiam S. Apollinaris, Archiepiscopus omnem movit lapidem, ut redirent Presbyteri, & Diaconi, ac demum re composita in ipsa Ursiana Ecclesia, inclinata jam die Missa celebrata fuisset. Id ipsum innuunt ad S. Apollinaris congregati Presbyteri, & Clerus clamantes; Surge Sancte Apollinaris, celebra nobis Missam in die Nativitatis Domini. Hinc expectante plebe in Ecclesia Ursiana, composito per Exarcham dissidio, demum Presbyteri, Diaconi, & Clerici venerunt, ac Missas, & Vesperum unâ horâ celebraverunt. In aliis Ecclesiis Missa privata tantum agebantur intra Civitatem Ravennæ, & Claflis, in D. verò Probi etiam sollemnis, seu super Populum. Eadem hæc quæ aliàs Missa publica dicitur apud Auctores inferioris ævi, & in Diplomatum Pontificiis. De eadem D. Probi Ecclesia infra agendi occaso se præbet.